


朝鮮圖說



序

客冬西靜兄過余具

述猶子定遠克紹前

烈剗厠五岳祖開陽



本角



先生諸書次第告竣
茲復以朝鮮琉球安
南圖說併壽之梓屬
余弁言余惟先生固

勝國名賢理學經濟
著聲嘉隆間生平著
述不下數十種其有
闕經國者若籌海圖

徧江南經畧為東南
億萬斯年未雨之防
至周至悉乃朝鮮諸
國越在遐陬圖說不

遺其籌略抑何偉歟
憶辛未之秋余以試
事至玉峰謁先生祠
下忍園兄偕余握手

潭心携新刊海防圖
蔡等帙示余余披卷
卒讀竊謂吾宗不可
無此書獲兄重光梨

棗余亦與有榮施曾
幾何時而忍園兄即
丘老成彫謝舉宗心
惻回思向者忍園兄

矢志祖德修世譜刊
遺文竭蹶質貸有所
不靳經營告瘁賫志
而逝以未竟之緒貽

厥後人定遠實能繼
述之會歲屢不登橐
垂々然殫竭而繩武
之念終於弗輟六可

謂難矣嗟乎開陽先生
諸書天固將以是
傳先生於不朽而且
造東南半壁之福於

無窮也余獨感夫世
之士君子家有餘力
輕忽前人之著述而
不憚甚或糜費於不

急之務而遺藁湮滅
散亾無以流傳於後
余不知其何以為情
以視定遠能無霄壤

也耶余誼忝一本義
不可辭聊為敘述以
見定遠不隕厥考之
志若先生著書大端

前賢叙之詳矣何煩
更贅一辭

康熙三十七年歲在
戊寅七月既望宗孫

駟拜手謹識



朝鮮圖說序

天下有道威震殊俗罔弗賓廷遠如越裳且有
重九譯而梯航至者但好大喜功聖王弗尚若
夫密邇

神京世通朝貢而載籍或缺非所以示無外壯藩
衛也然其所倣陰雨而備綢繆者豈啻師武臣
力哉亦賴當世博學卓識之士考其形勢之險
易與界址之遐邇精詳稽核開卷瞭然有以懾
服而控制之耳崑山鄭子伯魯博學卓識士也
往歲島寇出其素蘊著籌海圖編等書梅林胡

公刊行浙右其經畧一編予復評次授梓茲又以朝鮮琉球安南諸圖說示予予一展閱間殊方異域道里山川風景土俗恍然在目洵乎其書爲經緯

廟堂之書非祇以攬勝概考土風而已今

天子化行荒服亦或時遣一介往來覽其圖說銜

命往者有所考式於以聳殊俗之心而重

朝廷之體實嘉賴焉不揣固陋輒加校訂屬吳郡付諸梨棗用書數語於末簡

隆慶三年春王正月

欽差總理糧儲提督軍務兼巡撫應天等府地方都察院右僉都御史莆中林潤撰

朝鮮圖說目

崑山鄭若曾伯魯著

男

應龍左卿

校

一鸞音卿

五世孫起泓男定遠重訂

孫肇熹校字
發祥


朝鮮國圖

朝鮮國考

世紀

都邑

山川



古蹟

風俗

土產

山海關至朝鮮東界地里

西路至南原地里

東路至南原地里

貢式

貢道

貢期


貢例


進貢方物

先忠肅奏議附錄

朝鮮國圖

每方百里





朝鮮圖說

崑山鄭若曾伯魯著

男 應龍左卿 校
一 鸞音卿

五世孫起泓男定遠重訂

孫肇熹 校字
發祥

朝鮮考

朝鮮國近日本以其在東朝日鮮明故名相傳堯
 戊辰歲有檀君者居太伯山朝鮮人奉以為王此
 朝鮮立國所自始周為箕子所封戰國時附屬於
 燕秦滅燕屬遼東外徼漢初為遠難守復修遼東

故塞至沮水為界及盧縮反燕人衛滿聚黨千餘人東走出塞擊破朝鮮據有其地史稱箕子封朝鮮傳四十一代

至王準凡九百二十八年而失國於衛滿武帝定朝鮮為真番臨屯樂

浪玄菟四郡昭帝并為樂浪玄菟二郡漢末為公

孫度所據傳至孫淵魏滅之晉永嘉末陷入高麗

高麗本扶餘別種其王高璉居平壤城亦謂長安

城即漢樂浪郡地唐征高麗拔平壤置安東都護

府其國東徙在鴨綠水東南千餘里五代唐時王

建代高氏闢地益廣并古新羅百濟而為一遷都

松岳以平壤為西京其後子孫世通朝貢宋遼金

四百餘年未始易姓元至元中西京內屬置東寧

路總管府畫慈悲嶺為界明洪武二年其主王

顥表賀即位賜金印誥命大統曆文綺封為高麗

國王已而顥被弑遣使告哀賜謚恭愍封其世子

禍為王二十五年國相李成桂代王氏請更國號

奉詔改曰朝鮮歲時貢獻不絕其國內分八道

饒庶有華風中曰京畿東曰江源本穢貊地西曰

黃海古朝鮮馬韓舊地南曰全羅本卞韓地東南

曰慶尚乃辰韓地西南曰忠清皆古馬韓域東北

曰咸鏡本高句麗地西北曰平安本朝鮮故地分

統郡府州縣其忠清慶尚全羅三道地廣物衆州縣雄巨最爲富庶俗尚詩書人才之出比諸道倍多平安咸鏡二道境接靺鞨俗尚弓馬兵卒精強東西南瀕海北鄰女直西北抵鴨綠江東西相距二千里南北四千里從正北長白山發脉南跨全羅界向西南止日本對馬諸島偏在東南與釜山對相去僅一日程倭船止抵釜山鎮不能越全羅至西海蓋全羅地界直吐正南迤西與中朝對峙而東保遼薊與日本隔絕不通海道者以有朝鮮也

朝鮮屬國曰耽羅爲日本衝要元至元中命將平之卽其地立耽羅招討司屯鎮邊軍千七百人繼改爲軍民總管府又改爲軍民安撫司貢賦歲進毛施布百匹後高麗王以爲言遂復屬之明洪武二十年遣使貢馬 詔償其值

世紀

王氏自五代時奄有高麗歷宋遼金元五百餘載
未始易姓至明洪武二年王顥表賀卽位賜金
印誥文封爲高麗國王使者入謝上從容問王
居國何爲城郭修乎甲兵利乎宮室壯乎頓首言
東海之波臣朝夕禮覺王甚恭他未遑也璽書諭
之曰佛法非所以治國梁武後世之前車也王其
無惑以王君臨一方而出令之無所其何震之有
王國北接魯而南鄰倭魯創於此恐將逸於彼倭
狡而貪出沒海上且窺王虛實朕私憂之設險蒐

乘以固吾圉惟王念哉今以經史諸書賜王其悉
朕意五年顓表言耽羅國恃其險遠不奉朝貢蒙
古人畱居其國宜徙之蘭秀山逋逃所聚亦恐爲
寇患請討之賜璽書言耽羅爾附庸也蒙古人何
棄焉逋寇以朕命命之傳檄可致勿用兵便已而
諭中書省臣曰古諸侯事天子比年小聘三年大
聘五年一朝九州外遠番世見而已高麗去中國
近知經史禮樂非他邦比宜令三年一聘不則比
年貢物產布十疋足矣曩高麗貢獻數使者溺海
幾不返甚失朕意其明以諭王八年顓被弒死子
禍嗣貢不如期却之仍敕遼東守臣絕勿通十七
年表請故王謚及嗣封不許十八年乃許之明年
貢馬以謝請易冠服不許我使者自其國市馬歸
言禍辭馬直命給之二十一年國相李仁人廢禍
立王昌歲中兩請入朝皆不許李成桂復廢昌
立瑤瑤嘗遣子奭來朝奭未歸而成桂廢瑤自立
實洪武二十五年也其國評議司奏言禍昌不當
立瑤暴虐失人心國虛無主舍成桂莫適與惟
朝廷命之上曰朕中國綱常所在列聖相承守
而不失高麗限山隔海僻處東徼非我中國所治

且事多隱曲不可據信令禮部移文從其自爲聲
教成桂更名且徙居漢城請更國號 詔仍稱朝
鮮已而更請印誥表語悖謾 上盡却方物逮撰
表者鄭集羈留之三十一年府部請發兵征討不
許成桂老子芳遠嗣永樂元年賜冕服經籍從芳
遠請也六年世子禔來朝八年獻馬萬匹助北征
十三年表更立子禔爲世子是年芳遠老請以禔
嗣宣德元年遣使賜禔五經四書及性理大全綱
目通鑑因謂禮臣是書有國家所當知朕嘉惠遠
人故賜之五年禔進海青鷹 制諭珍禽異獸非

朕所貴其勿進方物效誠而已母金玉器禔再進
再諭之已請遣子弟入 國學不許仍賜諸書俾
學於國中景泰元年禔卒子珣嗣三年卒子弘暉
嗣穉而孱遜其叔瑑成化三年進海青白鵲却之
時方北征瑑遣兵助王師捕斬使使來獻俘璽書
褒嘉之明年瑑卒子晄嗣六年晄卒子斐嗣復出
兵助征討有功遣中使資金綺并及其將士正德
元年斐卒子愷嗣病風立踰年而遜其弟懌嘉靖
二十三年懌卒子崐嗣未踰年卒弟峘嗣時倭人
入寇舟漂至朝鮮及姦民往來海上私與倭市峘

輒捕以獻。上亦厚賜予荅其意。恒疏乞改會典。中所載成桂篡逆事從之。李氏自成桂以來事。朝廷恭歲時朝貢外。慶慰報謝無常期。行李踵於道。國主嗣立則使者往封。有大事則頒詔於其國。他彝不敢望也。

都邑

京畿道

郡三

楊根

豐德

水原

府三

漢城

開城

長湍

州七

揚州

廣州

潤州

驪州

果州

谷州

坡州

縣三

交河

三登

上山

江原道

郡七

忬城

平海

通川

寧越

松岳

旌善

高城

府五

江陵

淮陽

三陟

襄陽

鐵原

州四

原州

江州

槐州

溟州

縣十

平康

安昌

烈山

麒麟

酒泉

丹城

麟蹄

蔚珍

瑞和

歙谷

黃海道

郡三

遂安

延平

平邨

府三

平山

瑞典

承天

州六

黃州

白州

海州

愛州

仁州

鳳州

縣八

安岳

三和

龍岡

咸從

江西

牛峰

文化

長淵

全羅道

靈巖

郡三

古阜

靈巖

古阜

珍島

鳳州

府二

安州

全州

南原

州四

羅州

濟州

光州

昂州

縣二十三

萬頃

茂長

鎮安

扶安

全渠

康津

興德

黃成

樂安

昌平

濟南

會寧

大江

臨波

古阜

南陽

富順

扶寧

府仁

緒成

海南

神雲

移安

慶尚道

郡七

蔚山

咸陽

熊川

陝川

永川

梁山

清道

府六

金海

善山

寧海

密陽

安東

昌原

州五

慶州

泗州

尚州

晉州

蔚州

縣十二

東萊

清河

義城

義興

聞慶

巨濟

昌寧

三嘉

安陰

山陰

高靈

守城

忠清道

郡四

清風

溫陽

天安

林川

州九

忠州

稔州

興州

清州

靖州

禮州

公州

幸州

洪州

縣七

永春

扶餘

保寧

報恩

石城

連山

燕岐

咸鏡道

郡三

端川

蜀莫

寧遠

府五

咸興

永興

鏡城

安邊

會寧

州八

延州

德州

開州

惠州

蘇州

合州

燕州

隋州

縣一

利城

平安道

郡十一

嘉山

价川

郭山

雲興

熙川

宜川

江東

慈山

龍川

順川

博川

宜川

府九

雲興

平壤

見仁

成川

寧邊

定遠

江界

昌城

合蘭

廣利

州十六

安州

靈州

青州

定州

朔州

昇州

平州

撫州

常州

義州

宿州

銀州

鋼州

渭州

鐵州

買州

縣六

孟山

德川

陽德

江東

中和

泰川

崇山

神嵩山

魯陽山

白岳

丸都山

山川

山川

白岳

在京畿北

丸都山

在國城東北漢時高句麗王伊夸模都此至

晉為慕容皝所破前史有曰丸都所謂日月

兩丸者此也

神嵩山

在開城一名嵩岳昔王建依此為都

魯陽山

平壤東水

在平壤東北

黃山

在忠清

天磨山

在開城北諸峰峭崿插天望之凝翠有大興洞介天磨聖居兩山間樹木蓊鬱泉石光潔夏則綠陰蓋地木蓮花開清香滿洞秋則赤楓黃葉倒映水底真佳境也

五冠山

在長湍西三十里山頂有峰如冠故名國人
事母至孝居山下離京畿一舍爲養祿仕朝
出暮返告面定省不少懈歎母老作木雞歌
名五冠山曲傳於樂譜山下有靈通寺洞府
深邃山勢周遭流水縵迴樹木蓊鬱其西樓
勝概爲嵩都第一

湧巖山

在五冠山東北絕壁峭立三面如削巖巖之
間有寺名洛山惟南面獨開恍如天造寺東
一峰高插霄漢上戴磐石曰正瓶臺南一峰
曰香爐烽成化乙酉寺後石岡自移東門外

屹然與兩峰鼎峙

俗離山

在忠清九峰突起亦名九峰山山頂有文藏
臺疊石天成廣可坐三千人臺上有坎如鑊
其中有水混混旱不減雨不增分為三派流
注半空一派東流為洛東江一派南流為錦
江一派西流而北為達川入金遷山下

七點山

在義水之間山有七峰如點故名

金井山

在慶尚山巔有石高三丈上有圓井水常盈
遇旱不竭色如黃金相傳有金色魚游泳其
間故名

冰山

在慶尚山下有石穴立夏後冰始凝盛暑則
冰堅霾雨則冰釋春秋不寒不熱冬則溫氣
如春

伽椰山

在慶尚一名牛頭山中有海印寺為崔致遠
所隱處

高德山

在全州東南北麓有萬景臺石峰奇秀狀如層雲上可坐數十人四面林木森鬱石壁如畫

漢拏山

在濟州南曰漢拏者以雲漢可拏引也巔有大池人喧則雲霧咫尺莫辨五月雪猶在八月乃襲裘

馬耳山

舊名西多山在全羅鎮安縣南以形似馬耳故名山有雙峰聳立東曰父西曰母相對如削成高可千仞其巔樹木森鬱四面峻絕人不能升惟母峰北崖可陟諺傳東峰上有小池西峰頂平濶有泉可避寇天旱禱雨輒應

浦口山

在高城郡東有巖陡起層疊如階上可坐白餘人

寒溪山

在江原麟蹄縣東山上有城有川自城中流出卽成瀑布而下懸流數百尺望之如白虹

垂天形勝甲於嶺西

金剛山

在淮陽府東山名五一日金剛二曰皆骨三曰涅槃四曰楓嶽五曰忒怛曰頭南條也自會寧府之虧羅漢峴至甲山東爲頭里山永興西北爲劍山府之西南爲分水嶺西北爲鐵嶺通川西南爲楸池嶺至長楊之東高城之西爲此山自分水嶺至此凡八百三十餘里山凡一萬二千峰巖竅骨立東臨滄海杉檜參天望如畫圖有日出月出二峰可見日月之出

國島

在安邊府東去岸十里許

海

國東西南皆瀕海

驪江

在京畿

大同江

在平安

鴨綠江

國城西北

漢江

國城南

楊花渡

漢江濱本國餉道

熊津

國城南故百濟海口唐時置熊津都督府於

此

朴淵

在開城北狀若石甕有盤石湧出中心曰島

巖水赴絕壁怒瀑下垂可十餘丈淵上有神

祠遇旱禱雨輒應

洛東江

在國東海口

錦江

在忠清

古蹟

井田

在平壤府外城內箕子區畫井田遺蹟宛然

藏軍洞

在忠清道石城縣北相傳唐將蘇定方伐百濟時藏兵於此故名

青鶴洞

在智異山中有青鶴棲息其內相傳崔致遠所遊處頽垣壤塹猶存

風俗

國王所居宮室制度頗類中朝民居皆茅茨大止
兩椽覆以瓦者纔十二男女二百十餘萬口兵民
僧各居其一地寒多山土宜松栢有秔黍麻麥而
無秫以秔爲酒少絲蠶匹縑直銀數兩多衣麻苧
王出乘車駕牛歷山險乃騎紫衣行前捧護國仁
王經以導令曰教曰宣臣民呼王曰聖上私謂曰
巖公妃曰宮主百官名稱階級與中國不甚相殊
過御史臺則下馬違者有劾士人以族望相高柳
崔金李四姓爲貴種無宦者以世族子爲內侍六

衛歲十二月朔王坐紫門小殿注官外官則付國相有國子監四門學學者六千人貢士三等王城曰土貢郡邑曰鄉貢他國人曰賓貢間歲試於各屬再試於學所取不過三十四人然後王親試以詩賦論三題謂之簾前重試亦有制科宏詞之目然特文具而已士尚聲律少通經百官以米爲俸皆給田令收其賦死乃已之國無私田民計口授業十六以上則充軍六軍三衛常留官府三歲一選戍西北半歲而更有警則執兵任事則服勞事已復歸南畝王亦有分地以供私用王母妃主世子皆受湯沐田國中以賈販利入爲事日中爲市用米布貿易兵器疎簡無強弩大刀崇尚釋教雖王子弟亦常一人爲僧信鬼拘陰陽病不服藥惟呪咀厭勝歲以建子月祭天國東有穴號隧神常以十月望日祭之謂之八關齋禮儀甚盛王與妃嬪登樓大張樂宴飲賈人曳羅爲幕至百匹相聯以示富三歲大祭祀遍其封內祖廟在國門之外大祭則王具車服冕圭親祀王城有佛寺七十區而鮮道觀自宋大觀中詔遣道士往乃立福源院置羽流十餘輩先是俗不知醫自王徽請醫後

始有通其術者人首無枕骨皆扁側男子戴折風
巾服大袖衫如唐人裝束婦人髻髻垂右肩餘髮
被下約以絳羅賁之簪旋裙重疊以多爲勝婚嫁
取男女相悅卽爲之男家送猪酒而已無有財聘
之禮或有受財者人共耻之以爲賣婢死者殯於
室內經三年擇吉日而葬居父母及夫喪服皆三
年兄弟三月初喪哭泣葬則歌舞以送之埋訖取
死者生時服玩車馬置墓前會葬者競取而去婦
人僧尼皆男子拜樂有左右二部左曰唐樂中國
之音也右曰鄉樂其故習也有五絃琴箏篳篥橫
吹簫鼓等樂器飲食用俎豆官吏閑威儀堂上設
席升必脫履見尊者則膝行請必跪應必唯其拜
無不荅子拜父猶半荅其禮性柔仁惡殺不屠宰
每食羊豕則包以蒿而燔之法無苛條刑不慘酷
惟惡逆及罵父母者斬餘皆杖肋外郡刑殺悉送
王城歲以八月慮囚死罪貸流諸島累赦視輕重
原之民俗每正月一日五月五日祭祖禩又正月
七日家爲王母像戴之二月望僧俗燃燈如中國
上元節上巳日以青艾染餅爲盤羞之冠端午節
有鞦韆之戲性喜讀書庶賤之家各於衢路構屋

謂之局堂令子孫晝夜誦書習射其餘習尚與中國畧同

土產

金

銀

鐵

水晶鹽

綿紬

細苧布

螺鈿

白礮紙

狼尾筆

果下馬

高不踰三尺健而能行又名雙脊馬

長尾雞

貂

豹

海豹皮

八梢魚

昆布

滿花席

草性柔折屈不損

黃漆

樹似櫻六月取漆物如金

杭

黍

麻

榛

松

牡丹

人參

茯苓

天朝至朝鮮東界地里

山海關起

山海關至中前所三十里

中前所至前屯衛四十里

前屯衛至高嶺站五十里

高嶺站至中後所六十里

中後所至小沙河六十里

小沙河至寧遠六十里

寧遠至峇山六十里

峇山至杏山六十里

杏山至大凌河六十里

大凌河至小凌河六十里

小凌河至十三站六十里

十三站至間陽驛六十里

間陽驛至廣寧驛四十里

廣寧驛至盤山驛五十里

盤山驛至高平三十里

高平至沙嶺五十里

沙嶺至牛莊六十里

牛莊至海州四十里

海州至安山六十里

安山至遼陽六十里

遼陽至水田站九十里

水田站至連山關三十里

連山關至通袁堡六十里

通袁堡至雪里站六十里

雪里站至鳳凰城四十里

鳳凰城至湯站六十里

湯站至九連城二十里

九連城至義州四十里

此後俱朝鮮地方

義州至所川三十五里

所川至良策四十三里

良策至車輦三十里

車輦至林畔四十五里

林畔至雲興四十五里

雲興至新安三十五里

新安至加平六十五里

加平至安興五十里

安興至肅寧六十三里

肅寧至安定六十里

安定至平壤五十六里

平壤至生陽五十五里

生陽至黃州六十里

黃州至鳳山五十五里

鳳山至劍水三十里

劍水至龍泉四十五里

龍泉至安城三十里

安城至寶山四十里

寶山至金巖二十里

金巖至興義三十里

興義至金郊三十里

金郊至後猊三十里

後猊至開城三十里

開城至東坡嶺五十五里

東坡嶺至馬山三十里

馬山至碧蹄四十五里

碧蹄至迎曙三十里

迎曙至王京二十里

王京至良才二十五里

良才至藥生三十里

藥生至龍仁縣三十三里

龍仁縣至陽智三十五里

陽智至佐贊驛二十五里

佐贊驛至祝山四十里

祝山至無極驛四十里

無極驛至用安驛四十里

用安驛至忠州丹月驛四十里

忠州丹月驛至延豐保安驛四十里

延豐保安驛至聞慶縣四十里

聞慶縣至幽谷四十里

幽谷至延昌縣四十里

延昌縣至尚州二十九里

尚州至善山都護府四十里

善山都護府至仁同縣三十五里

仁同縣至昌州地八莒縣三十里

昌州地八莒縣至大丘府三十里

大丘府至清道郡三十里

清道郡至榆川四十三里

榆川至密陽府三十里

密陽府至黃山驛三十里

黃山驛至梁山五十里

梁山至蘇山十里

蘇山至東萊府三十里

東萊府至釜山浦二十里

釜山渡洛東江越海抵對馬島卽日本國

地方

王京起由西路至南原府程途

王京至良才二十五里

良才至藥生三十里

藥生至龍仁縣三十三里

龍仁縣至鎮威五十里

鎮威至稷山五十里

稷山至天安三十里

天安至車嶺四十里

車嶺至廣亭三十里

廣亭至公州四十里

公州至尼山五十里

尼山至恩津三十里

恩津至礪山三十里

礪山至參禮四十里

參禮至全州三十五里

全州至英元五十里

英元至仁實三十里

仁實至熬樹三十里

熬樹至南原府三十五里

王京起由東路至南原府程途

王京至良才二十五里

良才至藥生三十里

藥生至龍仁縣三十三里

龍仁縣至陽智三十五里

陽智至佐贊驛二十五里

佐贊驛至祝山四十里

祝山至無極驛四十里

無極驛至用安驛四十里

用安驛至忠州丹月驛四十里

忠州丹月驛至延豐保安驛四十里

延豐保安驛至聞慶縣四十里

聞慶縣至幽谷四十里

幽谷至咸昌縣四十里

咸昌縣至尚州二十九里

尚州至金山七十里

金山至知禮四十里

知禮至新倉七十里

新倉至居昌三十里

居昌至山陰九十里

山陰至咸陽三十里

咸陽至雲峰三十里

雲峰至南原府三十里

本朝貢式

貢道

自鴉鶻關由遼陽經廣寧過前屯衛入山海關

達京師

成化中請改道職方郎劉大夏持不可議遂寢

貢期

每歲

聖節正旦

嘉靖十年外裔朝正旦者俱改冬至

皇太子

千秋節皆遣使奉表朝賀貢方物其餘慶慰謝

恩無常期國王嗣位請封亦遣使行禮

其歲時朝貢視

諸國最為恭順

貢例

嘉靖間題准甜水站之東舊有連山關一座指
揮把守凡朝鮮陪臣入貢赴關報名指揮馳報
遼東都司方許入關彼中護送兵馬從此回國
待陪臣事竣回還彼中兵馬仍於此迎接

制限進貢方物

金銀器皿

螺鈿梳函

白綿紬

各色苧布

龍文簾席

各色細花席

豹皮

獺皮

狼尾筆

白礬紙

人參

種馬

每三年五十匹近有
加貢不在種馬之數

大參
出謝
自整
照史

出謝
自整
照史

各色洋布
各色洋布

各色洋布
各色洋布

鄭忠肅公奏議附錄

公諱興裔開封人從宋南渡家崑山歷仕少師封益

王謚忠肅賜葬餘杭縣石門山特祠揚州學宮內著有四朝奏議聞見錄退菴集行世

臣伏見高麗人入使明越二郡困於供億騷然不

寧既至闕則館遇燕賚錫予之費以鉅萬計而饋

其主者不預焉我朝遣使荅報舟楫費不訾三節

官吏縻爵捐廩皆仰縣官者甚夥前禮部尚書蘇

軾言於先朝謂高麗入貢無絲毫利而有五害以

此也且國家行都在臨安與東都事體大異昔高

麗使人之來率由登萊登萊距梁汴山河之限甚

遠也今日三韓直趨四明今寧波四明距行都限一

浙江爾雖自四明至高麗海道渺瀰中隔洲島然
 南北行各遇順風則歷險如夸楊應忱建炎戊申
 之役其回也九月癸未發三韓戊子至明州之昌
 國縣僅六日耳海道之當防若是乞止入貢報答
 之使省糜費以裕軍儲嚴番舶往來之禁固封疆
 以杜釁端宗社幸甚

與州... 費以... 固封疆... 宗社幸甚



収